

■ GLOSSA

Zona sensibla.

Scumond d'access. Rayonverbot.

DA SILVIO CAMENISCH

La sera sper il lag è Ldeclerada ussa sco zona sensibla. Faschain ina spassegiada sociala enturn ed enturn cun il president da burgais cun la magistrata Sommaruga e tagaders da las personas fitg impurtantas guardain al lieu.

Qua, nua che nus pas-sain, nus stuain, n'avain gea betg set punts che nus stuain ir, è regiun umida. Feuchtgebiete che nus duessan filmar. Adatg, adatg!, betg traversar, betg zappitschar pèrs en prontezza da copular e turnar a far!, um e dunna e dunna ed um, a nus er relativ tuttina, tgenin conjugal cun tgenina e viceversa e (reserva). Tuttina avain nus meraviglias cun set ureglias, tgenina cun tgenin e cuntrari.

Qua a Glion/Ilanz Paradiswäldli, Paradisgärtli, Schulstrasse è sensibla zona da repaus vischina per burgais da citad e fissgugent. Asilants asilantas da vischnancas vischinas na dastgan betg traversar, targlinar, tardivar, tactar, star, far fieus, grillar tut lasuenter dapli. L'emprim emprendain nus requirents ordador ils nums dubels, ils toponims! Pertge? Per amur da la pasch da linguatgs e dal maletg anoravers. Paradiswäldli è Guadet paradisc. Paradisgärtli è Iertet paradisc. Schulstrasse ha num Via da scola. Ha Neufundland puspè num Fontanivas. Scuntras in nar ardent da Nies lungatg fiss pussaivel, numpussaivel fiss quai betg mettas ti davant il num



rumantsch. Pos tegnair endament quai? I va per blier. Per tut.

Nus essan a Fontanivas, nua ch'igl ha blier blier aur en il Rain, di la moderatura dador Georgina. Pertge na dastgan requirents d'asil exiliads sin il pass ed en il pass Pass dal Lucmagn, il Cuolm da Sontga Maria, da la regiun e per la regiun, betg stgavar per ils patrums da concessiun? Qua dessi per quels blera blera lavur da chavar, crivlar, zavràr purtar a la bursa e sin banca. Il giuven Rein depona blera bella crappa d'aur tutta stad or, en ed or. Rheingold. Rein Gold ha num la nova ovra da la aut premiada Jelinek tuttina premi Nobel! Ei dat meglieras femnas ed ovras, din il Franz ed il Fred.

Qua a nossa bursa da mineralias sa chattain nus en ina zona extrem sensibla. Guardar enturn, prender enta pugn, tut lasuenter laschar svanir en satg u bursa il pli bel aur dal Rain ha qua in num. Asilants, che sa tegnan vid las reglas, dastgan assister da

dador a la messa pontificala da mineralias. Hochamt. La via la vita la verdad la democrazia e las reglas avain nus. Mussa qua tia bursa schizunt tastga da tgirom da crocodil! Has ti num Oprah Winfrey, es ina dunna naira? Avain nus immediat suspect e tut ils signals sin cotschen d'alarm.

Quai è noss dutg, noss trutg d'aua, planisà ed autorisà da nus tras la planira da Surrein. Persunas cun pais tut bluts tut tschufs qua betg giavischadas! Qua, legia! Scumond d'access. Il Jesusmessias ambassadur da las auas sas anc? las medias rumantschas da boulevard han accumpagnà e manà il gagliard enturn l'ura fin la renunzia! e las auas na s'empon betg, las auas! quel spetgain nus!, Quel è empermess, è l'Empermess.

Psst! Ta chattas en zona sensibla dad ognas, qua tranter ognas sa chattan ils tschiervs e las tschervas da nossa chausa ed il mausoleum s. fossa. Ognas. Sentas il vent e la fladada? Terra sontga, lieu ferm. Jau davent pront tut in tremblar da pe fin chau ed enavos tras mia persuna, e jau sun anc in pau persuna! Auzai voss cors! Els èn auzads. Betg delegads delegadas ston emprim cumprar access, è dapertut uschia. Noss biros e kioscs d'access cun success èn qua, la, nua ch'ils cars da massa vegnan e parcan. Tge chalira persistenta, bunmain pre conciliarà!, avra in isch, ina fessa! Tes chaun pudess patir, epi, epi murir!, Quel è sensibel.